

浙江文叢

# 國權

〔第十七冊〕

浙江出版聯合集團  
浙江古籍出版社

浙江文叢

# 國權

〔第十七冊〕  
卷五十一至卷五十三

〔明〕談遷 著

江出版聯合集團  
江古籍出版社

國權

華夷正統三編

起隆慶元年

盡隆慶三年

穆宗契天降道淵懿寬仁顯文光武純德弘孝莊皇帝諱  
載皇帝世宗第三子母康妃杜氏嘉靖十六年正月癸卯  
生周替列辟盤取龍旗印石奇愛之己亥二月朔同莊  
敬太子景王受冊封裕王是日卿雲見莊敬冊寶誤致  
於王世宗聞之曰天命也癸丑婚李氏繼陳氏既景王  
薨世宗雖諱立儲人心攸屬嘗議內禪不果丙寅十二

月庚子世宗上賓裕王入治喪

辛丑頒遺詔嚴京城守衛

戊申禮部左侍郎潘晟工部右侍郎徐綱詣永陵  
夜京師地震

壬子裕王即皇帝位詔曰惟我祖宗聖子相承至治鴻  
功超越千古暨我皇考大行皇帝以經文緯武之德建  
內安攘外之勲增光先朝垂庇後世方幸永賴遽爾上  
賓特厯鴻几之言屬以神器之重朕繄在疚本不忍  
聞而文武群臣下及耆老軍民合詞勸進至於再三辭  
拒弗獲乃遵遺詔以是月二十六日祇告天地宗廟社

稷即皇帝位詔以明年為

隆慶元年自正德十六年四月以後終嘉靖建言得罪諸  
臣遵詔用卹錄方士王金陶做申世文劉文彬高守忠  
陶世恩俱下錦衣獄唐秩章冕為民餘受太常寺官及  
真人高士盡革工部料價并南京內府改更器皿香蠟  
柴炭匠役光祿寺品物但因齋醮工作加派者俱停革  
陝西織絨廣東織葛採珠買黃白蠟降真香及福建買  
龍涎香雲南採寶石採礦金江西陶器并各處採芝悉  
停止其浙直織造內臣俱即京隆慶元年漕米特折十之  
三餘起存本折特免十之五嘉靖四十四年以前草場

子粒收馬駟課工部段絹麻鉄鏹銅皮角漆紙等銀如  
逋欠盡蠲之餘如常

釋戶部主事海瑞獄

甲寅改造隆慶大統曆

丙辰拾太廟罷內殿之祭

丁卯隆慶元年

正月丁巳朔免朝賀封奏如常儀故事正旦決旬不奏事  
通政司以新政請

桂陽州藍山縣大水

戊午御宣治門羣臣奉慰

葬常嬪高氏王氏

議大行皇帝謚

己未議生母恭淑康妃杜氏謚

庚申大理寺左少卿鄒應龍為太僕寺卿

辛酉吏科都給事中胡應嘉言喪禮稍暇每朝罷必御

文華殿令輔臣面議裁決事六部則召對諸卿義問當難

則顧問儒臣又前代宰相入閣議事必諫官隨之國朝

六科輪直亦其遺意乞此後更當隨入聽而折是非或

退而叅論上是之

錄建言得罪諸臣通政司樊深都給事中丘檉楊思忠

尹相魏良弼李用敬左給事中陳瓚給事中吳時來周  
怡沈束顧存仁趙執張運表世榮御史何維柏趙綿張  
登高黃正色方新張標凌儒中仲王時舉馮恩郎中徐  
學詩周冕主事張紳董傳策劉世龍唐樞大理寺正母  
德純是日補贊時來吏科執禮科世榮兵科儒登高浙  
江道新江西檟湖廣道錦維柏河南道仲山東道時舉  
山東道紳傳策刑部餘需次

吏部請卹諸臣第為三等一慘死若兵部員外郎楊繼  
盛左中允郭希顏錦衣衛經歷沈練給事中楊允繩宜  
贈廕諭祭一狀死若太僕卿楊最編修王思給事中薛

宗鎧何光裕裴紹張原御史洧鉉曹珝葉經主事周天  
佐許瑜臧應奎殷承叙宜復官贈廕一譴死若左侍郎  
唐胄都御史李璋學士豐熙修撰楊慎編修楊名檢討  
王元正贊善羅洪先大理左少卿徐文華都給事中張  
珝張倪劉濟劉琦御史馬錄程啟元盧瓊陳讓桑喬包  
節王宗茂余翔方一桂員外郎劉魁郎中余寬黃待顯  
陶滋相世芳王與齡僉事章鑰宜復秩贈官吏部尚書  
熊汝謙止箕仙御史楊爵彈擊權倖當興杖死同卹從  
之

王世貞曰嘉靖遺詔卹錄言事得罪諸臣雖做改元

詔旨最為收拾人心機括惜乎吏部奉行之臣未諳典故：倉卒奏請不能無舛如熊太宰之如少保少保三孤也非部所宜定議也此一舛也得罪諸臣當酌其事理之功直心之赤誠與否而後劑之今但以得禍輕重為主致郭豐城之卹反覆優於楊富平此二舛也翰林春坊自有本等階級可贈今于贊善修撰皆光祿少卿是外之也此三舛也都給事御史止贈通參大理丞其有遺悞而撫按題請者起三級為太常少卿致仕官亦如之此四舛也自後言官所舉尤為挂漏如石文介瑤少保致仕而稱太子太保彭

襄毅澤致仕加少保而亦稱太子太保故復贈少保  
林貞肅俊致仕加太子太保而止稱刑部尚書故復  
贈太子太保今獨林公改正而已楊文忠一品十二  
年滿如太傅固辭而止又與蔣文定俱封伯亦固辭  
而止楊不當僅如太保蔣不當僅如少師此則執政  
之悞也

癸亥唐事府吏部左侍郎陳以勤上謹始十事定志保  
位畏天法祖愛民崇儉攬權用人接下聽言上嘉納之  
丙寅上御宣治門視事

修永陵勅內官監官太監王昂工部右侍郎徐綱禮部

會議郊社及祔葬祔享之制郊仍分祀東郊歲甲丙戌  
庚壬西郊歲丑辰未戌親祭餘遣官籍田登極行之罷  
祈穀祭停南郊大享及常社常稷祔廟惟一帝一后祔  
葬不論

定百官上元假十日歲如之

禁民間張燈

起前南京禮部尚書葛守禮戶部右侍郎趙貞吉兵部  
右侍郎郭宗臯右副都御史林雲同右僉都御史曹邦  
輔左布政鍾卿按察副使曹金全立敬設邁僉事謝廷  
藩等

復周怡吏科給事中沈束禮科給事中

停解湖廣去年今年贖緩修襄陽城隍

禮部請立皇后皇太子上諭立后即行皇子年幼先賜

名徐議冊立

復鄭王厚烷及鎮國中尉勤慰并其子朝暉爵

直宿官軍改給京糧以通倉遠也

己巳罷西苑督農侍郎歸司禮監

戒御用監香蠟額如嘉靖初

左府宣城伯衛守正右府彭城伯張熊罷

方士王金等下獄刑曹擬庸醫故用藥殺人罪斬尚書

黃光昇言太醫院官乃庸醫此方士非醫也古者方士  
誣稱採藥求仙欺罔無實尚皆伏誅金等妄進藥物致  
損聖躬豈採藥求仙誣罔者比裁君之律殺父有條乃  
比子殺父律重論

辛未京察自陳戶部尚書高耀致仕調禮部右侍郎丘  
岳光根卿裴天佑通政使吳三樂右僉都御史趙鎰  
壬申勅禮科左給事中王治御史王好問覈內府歲額  
已太監崔敏等奏免戶科給事中張憲臣劾其違命上  
命覈自嘉靖四十一年始非詔中者毋檄覈治等言其  
不可不聽

癸酉夜月犯角宿

甲戌名臯子翊鈞命曰朕茲恭請命於祖考賜爾名夫鈞者言聖王制馭天下猶制器者之轉鈞也其為義大矣爾其念哉

御史何維柏為大理寺左少卿

侍讀學士王大任姜儆劾免

復江南巡漕御史江北以兩淮巡監攝之時漕滯失期放各啟衛軍歸伍

乙亥上世宗欽天履道英教聖神宣文廣武洪仁大孝肅皇帝尊謚

工部尚書徐杲及其子錦衣指揮文燦概秩

丙子葛守禮為戶部尚書郭宗舉為刑部右侍郎樊深  
為通政使

丁丑上孝恪淵純慈懿恭順贊天開聖皇太后尊謚康

妃杜氏

戶科給事中張憲臣工科都給事中王元春吏部郎中  
余敬中為浙江西廣西右叅政編修李貴御史李廷  
龍為四川河南副使

前刑部侍郎鄢懋卿區嚴氏金氏戍邊

追奪故真人邵元節陶仲文官誥籍其家

敵西苑諸宮殿額初議盡毀之禮部惜其費僅去額  
已卯萬壽節免朝賀

辛巳吏科都給事中胡應嘉劾籍應嘉劾吏部尚書楊  
博考察失公私憤謫一給事中鄭欽御史胡維新閣臣  
郭朴以應嘉佐察復撓察典越法重擬而應嘉前劾高  
拱俱出潛意於是兵科給事中歐陽一敬論救侵拱徐  
階薄擬應嘉謫外拱疑階之族一敬也隙滿甚然應嘉  
傾險善訐士論輕之

談遷曰上甫即位遽譴言路何以杜將來之口安陽  
不解事其右新鄭適所以啄之也革亭元宰初不出